

Sä'mmla ceerkvest -ha'ŋk'kõs ouddan – tuâj vue'lnn antologia sä'mmlai da ceerkav kõskkvuõđâst

Lää'ddjânnam evanġeel-luteerlaž ceerkvest lij alttuum kue'htt ee'jj pi'stti ha'ŋk'kõs, koon ku'kes äi'ġġkõõsk täävtõssân lij pu'rgġeed vuei'tlvaž vai'ġġes aa'sšid sä'mmlai da ceerkav kõõskâst.

Sämmiliih kirhoost – Sä'mmla ceerkvest – Sápmlaččat girkus -ha'ŋk'kõs lij vue'ssen sä'mmlai da ceerkav kõskksaž tuõttvuõtt- da suävâdvuõttprosee'ssest da tõn lij organisâsttam Lää'ddjânnam evanġeel-luteerlaž ceerkav piispisâbbbar.

Õõtutäiggsânji ha'ŋk'kõõzzin toi'mmjeei riikk da sä'mmlai kõskksaž tuõttvuõtt- da suävâdvuõttkomissio lij järjstam õhttsaž sâbbrid čâhčča 2023 da alggee'jjest 2024. Tât õhttsažtuâjj lij kõskksaž vue'ssen veidsab põrggmõõžžâst se'lvvted sä'mmlaid da ceerkva õhttnee'i historiallaš šõddmõõžžid di tõi vaaiktõõžžid änn'jõžpeivva.

Sä'mmla ceerkvest -ha'ŋk'kõõzz kõskkraportt lij valmštõõvvâm da tõn kiõtt'tõ'lleš piispisâbbrest mââibaarg 12.3.2024.

"Ee'jj 2023 alttuum tuâjj lij ouddnam plaani meâldlânji da vuäžžam veidsânji tuärj nu'tt sä'mmlai dommvuu'dest ko še gââradpirrõõzzin. Ha'ŋk'kõõzz čââpp õhttsažtuâjj aa'rhelkoo'ddi-, seä'brrkoo'ddi- da jee'res sie'brivui'm lij leämmaž miârkteei roolâst tõn o'nnstummšest", mušttal kõskkrapoort raajjâm proje'kttkoordinaattor **Mari Valjakka**.

Pue'ttmen määngpeällsaž ħeerjlaž tuejjõs

Õhtt tää'rkmõs ha'ŋk'kõõzz vue'zzin lij puu't'ted ħeerjlaž tuejjõõzz, antologia, koon tääimtemkâ'dd alttii tuâjas čâhčča 2023. Antologia nâârr õ'hte jee'resnallšem tee'kstid, mâ'te artikkee'lid, tiivtid, novee'llid da esseid. Õhtteei tuejjejan lij sä'mmlai, jiõglvažvuõđ da ceerkav tematikk.

Antologia pârgg ta'rjjeed staan'jab sââ'j kiõtt'tõõllâd sä'mmlai da ceerkav kõskksaž kõskkvuõđ di lââ'zzted fi'ttjõõzz sää'mvuõđâst nu'tt pääiklânji seä'brrkoo'ddin ko še veidsubun obb ceerkvest. Ceerkavhalltõs teäggat antologia.

Siõllhââidlaž kiõččâmkuu'lm da pastoraal'laž tuâjjnâä'l pääi'k Sä'mmla ceerkvest -ha'ŋk'kõs vie'k'kat kiõtt'tõõllâd nue'did, koid sä'mmla kue'dde pâi'lpuõlvvõõggglânji nu'tt meeran ko še õhtjõssân.

"Ha'ŋk'kõõzz täävtõssân lij se'lvvted tää'rħben, mii sä'mmlai da ceerkav kõskksaž kõskkvuõđin lij šõddâm di mâkam vaaiktõõzz da seu'rrjõõzz täin šõddmõõžžin lie leämmaž da õinn lie sä'mmlaid. Antologia lij õhtt nää'll tuejjeed tän teâđ kuâsttjee'jen," Mari Valjakka ceäkk.

Konkreettlaž tääimaid taarbšet

Hâ't Sä'mmla ceerkvest -ha'ŋk'kõs lij vuäžžam ceerkvest kuâsttjemvuõđ da miõttlõs šiõhtlõõttmõõžž jee'res sektorin, Mari Valjakka mie'ldd tuâjj lij eman älggam.

"Tuâjj lij võl jiânnai tuejjeemnalla, što sagstõõllmõš ha'ŋk'kõõzz tee'mi pirr činlme'či obb ceerkav tää'zzest. Pue'ttiäâi'j lij vääžnai plaaneed juâtkklaau'kid, kook kuâsttje'če konkreettlânji nu'tt obb ceerkav ko še vooudlaž seä'brrkoo'ddi tää'zzest," Valjakka tuâtt.

Liinħ:

[Sä'mmla ceerkvest -ha'ŋk'kõsplan \(läâddas\)](#)

[Köskraportt \(lääddas\)](#)

Lää'ssteäđ:

proje'kttkoordinaattor Mari Valjakka, Piispisåbbar kanslia mari.valjakka@evl.fi 040 183 3460

piispisåbbar vvei'vvpisar Kari Kopperi, Piispisåbbar kanslia kari.kopperi@evl.fi 050 594 1317